

Сембесоюзонь коммунистический (большевиконь) партиять центральный комитетонц обращения

Сембе избирательхненди—рабочайхненди, работницатненди, якстерь армияти,
советский интеллигенцияти

Я Л Г А Т!

Декабрь 12-це шистонза 1937-це кизоня Советский Союзонь трудящайхне минь социалистический Конституциянькень коряс кармайхть кочкама ССР-нь Союзонь Верховнай Совету депутатт.

Кочкаматнень эса большевиконь партиясь выступает блокса, марса афпартийнай рабочайхнен, крестьянень, служащайхнен, интеллигенциять мархта. Верховнай Совету депутатонди избирательнай округкень эса регистрировандаф кандидаттнен, — кода коммунисттнен, станя и афпартийнайхнен, — выдвинули заводга рабочаень и служащаень марстонь пуромксне, воинский частева якстерьармеецонь пуромксне, велерабочникионь и единоличникионь пуромксне—коммунисттнен и афпартийнайхнен избирательнай союзсон коряс. Нят кандидатуратнень единодушна поддержали избирательнай округова и участка трудящайхнен многочисленной митингсна.

Большевиконь партиясь аф пирендсы эсь прынц афпартийнайхнен эзда, а мекиланкт, кочкаматненди моли блока, марса афпартийнайхнен мархта, моли блока рабочаень и служащаень профессиональной союзснен мархта, комсомолть и афпартийнаень лия организациятнен и обществатнен мархта.

Сяс, депутатонди кандидаттне улихть общайхть кода коммунисттненди, станя и афпартийнайхненди, эрь афпартийнай депутатс кармай улема станя жа депутатокс коммунисттнен эзда, кода и эрь коммунистический депутатс кармай улема депутатокс афпартийнайхнен эзда.

Большевиконь партиясь сергятокшнесыне сембе коммунисттнен и сочувствующайхнен дружнайста, кода фкя, голосовандам кода партийнай, станя и афпартийнай кандидаттнен инкса.

Большевиконь партиясь рассчитывает, што афпартийнай избирательхне кармайхть станя жа дружнайста голосовандам коммунисттнен—кандидаттнен инкса, кода и кандидаттнен — афпартийнайхнен инкса.

Ули ли избирательхнен основаньясна голосовандам большевистский партиять кандидатонзон инкса?

Заслуживает ли большевиконь партиясь народть ся довериянц, конань ланкс рассчитывает сон предстоящей выборхнен эса?

Мезькс ульсь минь родинанькетьа инголе и мезькс сон арась советский власть кизонзон пингста большевистский партиять руководстванц пингста?

Мезькс ульсь минь родинаньке, помещикнень и капиталисттнен господстваснон пингста и мезе сон сатс рабочайхнен и крестьянень властьюнон пингста, больше-

вистский партиять руководстванц пингста?

Советский власть кизонзон пингста минь странанькень обликоц полафтс юрнек. Фталу лядф и средневековьянь, шовда-шинь и бескультириянь, нишетань, бесправиянь и трудящайхнен угнетениянь странаста, кодамкс ульсь сире Россиясь, минь странаньке арась передовой, культурнай, могучай социалистический державакс.

Ня сатфкснен сатозень минь народоньке большевистский партиять руководстванц ала.

Кие стремится сянди, штоба минь родинаньке улель и сядатовга могучай, культурнай и свободнай социалистический державакс, ся кармай голосовать большевиконь партиять инкса, ся кармай голосовать коммунисттнен и афпартийнайхнен блокснон кандидатонзон инкса.

Минь странаонок навсегда машфтф хозяйствань капиталистический системась и эксплуататорский классне, отмененый частнай собственностись орудиятненди и производствань средстватненди и машфтф ломаньца ломанень эксплоатациясь. Кода минь Советский обществанькень незыблмай основанц, кемекстаф социалистический собственность орудиятненди и производствань средстватненди.

Всемирнай исторический тя победать сатозе минь народоньке большевистский партиять руководстванц ала.

Кие стремится сянди, штоба Советский Союзонь трудяйхне улельхть навсегда свободнайхть эксплуатациянь ярмоть эзда, ся кармай голосовать большевиконь партиять инкса, ся кармай голосовандам коммунисттнен и афпартийнайхнен блокснон кандидатонзон инкса.

СССР-са Социализмань победась обеспечендазе промышленностень расцветть. Кафта пятилеткатнен кизоснон пингста тийф первокласснай промышленность, конац оснащенной современной техникаса. Минь Социалистический фабриканькень и заводонькень производствань об'емсна война ингольден промышленностень производствать об'емонц йотнесы 8-нь крдада ламоксть.

Ня успехнен сатозень минь народоньке большевистский партиять руководстванц ала.

Кие стремится сянди, штоба минь индустрияньке вишкомкшнелсь сядатовонга, йотнемок капиталистический странатнен, ся кармай голосовандам большевиконь партиять инкса, ся кармай голосовандам коммунисттнен и афпартийнайхнен блокснон кандидатонзон инкса.

Минь странанькень велень хозяйствасонза 2 кемотть миллионда лама мелкай и мельчайшай синь слабай техникаснон и помещиконь и кулаконь засилия мар-

хта единоличнай крестьянский хозяйстватнен вастозост кассть и кемокстасть крупной социалистический хозяйстват—243 тьожаньда лама колхост, конат свободнайхть помещикнень и кулакнень эзда, конат обильнайста снабженайхть тракторса, комбайнаса и современной вельхозайствань лия машинаса. Минь колхознай велень хозяйстваньке марса совхозснен мархта, кда кирьдемс мяльса сембе сонь отраслянон, производит тани продуктада кафтонь крдада сядалама, чем войнада ингольден пингонь велень хозяйствась.

Тя всемирно-исторический победать сатозе минь народоньке большевиконь партиять руководстванц ала.

Кие стремится сянди, штоба минь колхозоньке и совхозоньке панчфокс панжельхть и сядатовга, максемок минь странанькени велень хозяйствань продуктань изобилия, ся кармай голосовать большевиконь партиять инкса, ся кармай голосовать коммунисттнен и афпартийнайхнен блокснон кандидатонзон инкса.

СССР-са Социализмань победац обеспечендазень трудящайхнен положенияснон кореннойста цебяргофтомаснон. Оцязоронь Россияса ялан лама ульсь безработнайда, кода сон ули эрь капиталистический государстваса и тяниге. Материальной ширьде аф обеспеченностьсь, вандыень шить лангс аф надиямась, нишетась ульсь постоянной уделкс рабочей класссти. Советонь властьса навсегда машфтф безработицась. Советский гражданинть инголе, конань мялец трудямс, мзярдовок аф арай вандыень шить лангс аф надиямать колга кизефкссь. Минь странанькень сембе гражданонзонды законца максф права трудти, ваймамс сире пингста материальной обеспеченянди.

Ня сатфкснен минь народоньке сатозень большевистский партиять руководстванц ала.

Кие стремится сянди, штоба минь странань трудящайхне ингольпаянине улельхть избавленнайхть кодама ба даяль уль безработицать и эсь вандыень шиснон лангс аф надиямать эзда, кие хочет рабочайхнен и служащайхнен материально-бытовой положенияснон сядатов цебяргофтомаснон, ся кармай голосовать большевиконь партиять инкса, ся кармай голосовать коммунисттнен и афпартийнайхнен блокснон кандидатонзон инкса.

Мезькс ульсь крестьянинць помещиконь и капиталистонь власть пингста? Сон ульсь самый обездоленной, самый бесправнай ломанькс. Революцияда ингольден велеса ульсь 40 миллионда лама бедняцкий населения, ломатть, конатненди уделкс ульсь вачахись и нишетась. Советский стройсь, машфтомок помещикнень, машф-

томок кулацкий кабальть, максмокс крестьятненди 150 миллиотт гектарда лама помещиконь и кулацкий модать и обеспечендамок колхознай стройть победанц,—навсегда избавил крестьянствать ашушить и нишетать эзда и обеспечендась теенза возможность зажиточнай и культурнай эряфти.

Ня сатфкснен сатозень минь народоньке большевистский партиять руководстванц ала.

Кие стремится сянди, штоба минь крестьянстваньке улель навсегда обеспеченнай нишетань и вачахись опасностть эзда, кие хочет велень зажиточнай эряфонь сядатоволдонь под'емонц, ся кармай голосовать большевиконь партиять инкса, ся кармай голосовать коммунисттнен и афпартийнайхнен блокснон кандидатонзон инкса.

Оцязоронь Россиясь ульсь шобда и невежественнай. Населениять сядатов ламоц ульсь аф грамотнай. Советский жа страна са йотафтфни эряфс всеобщай обязательнай тонафнемась—минь школаснон тонафни 30 миллиотт идть. Сембе граждаттненди образованиянди правась завоеванай и сьорматф минь Конституциянон. Странать эса населениять грамотностец йотнесынен—90 проценттнен. Странать эса курок аф кармай улема фкявок аф грамотнай гражданин. Наукась, литературась, театрась, искусствась вишкомкшнихть минь страсонк кода мзярдонга ашель. Наукась и искусствань завоеваниятне ашихть сембе гражданонь достояниякс.

Ня успехнен сатозень минь народоньке большевиконь партиять руководстванц ала.

Кие стремится минь странаонок просвещенянь сядатоволдонь касоманцты, кие хочет Советский Союзонь нароттнен наукаснон, литератураснон и искусстваснон сядатоволдонь расцветонц, ся кармай голосовандам большевиконь партиять инкса, ся кармай голосовандам коммунисттнен и беспартийнайхнен блокснон кандидатонзон инкса.

Оцязоронь Россияса авась ульсь рабокс и лядонды рабокс сембе капиталистический странатнен эзга. Аныцек СССР-са сон свободнай и полноправнай. Кода ошса, тяфта и велеса авась кядьта кядьс моли алять мархта социализмань строенияса и государствать управлениясонза. Аныцек минь странаонок тийфт условияне обеспеченнай и счастливой материнствати. Советский закоттне ванфнесазь тярять праванзон и идьтнен шумбра шиснон.

Ня сатфкснен минь народоньке сатозень большевиконь партиять руководстванц ала.

Кие стремится сянди, штоба минь советский аваньке улельба ингольпаянине свободнай и полно-

(Полатксоц 2-це страницаса)

Сембесоюзонь коммунистическый (большевиконь) партиять центральный комитетонц обращения (П е ц)

правнай хозяйствань и управленнй сембе областев, ся кармай голосовать большевиконь партиять инкса, ся кармай голосовать коммунистнень и беспартийнайхнень блокснон кандидатснон инкса.

Оязоронь Россиясь ульсь тюрьмакс народтненьди, национальнай гнетонь резнянь странакс, тяфта жа кода и сембе капиталистическый странатне ащи хть национальнай гнетонь и колониальнай порабощениянь странакс. Аньцек Советский Союза сядя инголя угнетеннай народтне сатсь полнай освобождения национальнай гнетть и неравноправиять эзда. Тяни Советский Союза СССР-нь народтне пуроптфт единой Союзной государствас равенствань и добровольностень началаса. Советский Союзсь мирса ащи фкя странакс, коса марнек машфт народтнень йоткса фкя-фкянди афверондамась и коса народтнень отношениясна тиеньдеви хть фкя-фкянди верондамань, братский Союзонь и дружественнай сотрудничествань началаса.

Тя всемирно-историческый победать минь родинаньке сатозе большевиконь партиять руководстванц ала.

Кие стремится сянди, штоба Советский Союзть народонза уле хть и сядя товонга свободнайкс и равноправнайкс, кие стремится СССР-ть народонзон дружбаснон сядя тов кемокстаманцы, ся кармай голосовать большевиконь партиять инкса, ся кармай голосовать коммунистнень и афпартийнайхнень блокснон кандидатонзон инкса.

Од свободнай эряфонь строителствань областьса минь родинанькен сатфксонза поистине оцфг. Сия завоеванайхть СССР-ть народонзон мархта большевикский партиять руководстванц вельде и внутренняй и внешняй вракнень каршес тюремаса. СССР-нь народтнень друзьясна радовайхть ня сатфксенди и приветствуют сия. Но Советский Союзть улихть аф аньцек друзьянза. Сонь улихть нинге врагонзиков. Тя, васендакигя, странат потма ширесонза машфтф капиталистическый классень лядксна. Тя, омбоцесь, Советский Союзть пределонзон омбокса капиталистическый странатнень реакционно-фашистский вийсна. Кда внутренняй вракне малочисленнайхть и бессильнайхть, то сия поддерживающей внешняй вракне представляют серьезнай опасность минь родинанькен свободанц и независимостенц инкса. Штоба обезопасить минь родинанькен тя опасность эзда, эрявхть кирьдемс васендакиге, цебярьста организованнай карательнай оргат, конат способнайхть обезвредить шпиоттнень, вредительхнень, диверсантнень и советский народть ля врагонзон; эряви кирьдемс, омбоцесь, цебярьста организованнай и технически оснащенной Якстерь армия, конац способнай ванфтомс Советский границатнень извне нападениянень эзда; мекпяли, эряви, штоба улель лац арьсеф и последовательнайста йотафневикс миронь политика, конац улель способнай разоблачить капиталистическый странань воинствующай крукнень захватнический политикаснон. Лама кизонь пингть эзда Советский властьсь маштсь сатомс сян, што минь родинанькен эсь распоряжениясонза тяни ули, кода прове-

ренной, карательнай оргатт и лац оснащенной Якстерь армия, тяфта и внешняй отношенияса последовательнай йотафневикс миронь политика. Аньцек ня сатфкснень улемаснон вельде азондови ся фактсь, што советский народсь вов 16-це кизось арелякшневи военной столкновениянень эзда, пользовандакшни мирнай эряфть цебярь ширензон и ули возможность сядя тов мольтемс эсь мирнай трудонц.

Минь родинанькен свободанц и независимостенц арелямаса ня сатфкснень СССР-нь народтне сатозь большевикский партиять руководством ала.

Кие стремится сянди, штоба СССР-нь трудящайхне ингольпинге пользовандакшнелхть мирнай трудть цебярь ширензон мархта, кие йорай минь родинаньконди свобода и независимость, ся кармай голосовать большевиконь партиять инкса, ся кармай голосовать коммунистнень и беспартийнайхнень блокснон кандидатонзон инкса.

Тяфтап минь родинанькен сатфксонза революциянь кизотнень пингста, конат сатфт большевиконь партиять руководстванц ала.

Тяфтап большевиконь партиять тюреманц тевонза и итогонза, конань валон мзярдовок аф аерткшн тевть эзда и конань обещаниянза мзярдовок ашеть шарфне пустой валс.

Вов мес большевиконь партиясь позволяет эстиенза надиямс народть довериянц ланкс предстоящай выборхнень эса.

Вов мес большевиконь партиять ули правац надиямс, што избирательхне фкакс кармайхть голосовать коммунистнень и беспартийнайхнень блокснон кандидатонзон инкса.

Избиратель ялгат!

Избирательнай кампаниять молема пингстонза лихтьфть кой-кона коммунистнень и беспартийнайхнень мяльсна голосовандамс обязательна и аньцек лидерхнень инкса, партиять и правительствать руководителснон инкса, афваномок сян ланкс, кодама избирательнай округс сия зарегистрированыхть. Ня ялгатне кода няеви аф шарьхкодсязь, што законц коря эрь кандидатсь может баллотироваться аньцек фкя избирательнай округса. Ня ялгатне, кода няеви аф шарьхкодсязь, што тя или тона кандидатть инкса голосовандамась, конань поддерживает большевиконь партиясь и беспартийнайхне, ащи аф аньцек тя кандидатть инкса голосованаякс, но васендакиге ся политикать инкса голосованаякс, конань йотафнесы большевиконь партиясь марса беспартийнайхнень мархта и конань обязуется йотафтомс эряфсь тя кандидатсь. Задача ащи сян эса, штоба кандидатне улельхть стойкай и народть тевонцы преданнай ломаненьке и штоба избирательхне дружнайста голосовандалхть сембе кандидаттнень инкса, кданльня кой-конат сия эздост тяни эсь одшидот аф ащи хть общепризнаннай руководителкс. Советский строить особенностенц именно сян эса и ащи, што сон обеспечендакшнесы ломаттнень сия способностьснон, сия талантснон вишкста касомаснон, што исяк нинге аф пияк содаф ломаттнень нюрхкия пингста могут арамс об-

шеизвестнай деятелькс, конат за-служивают всеобщай уважения.

Сембесоюзонь коммунистическый (большевиконь) партиять Центральной Комитетонц терьнесыне сембе коммунистнень и сочувствующайхнень голосовандамс беспартийнай кандидаттнень инкса тяфтама жа мяльса, кодама мяльса сия должетт голосовандамс кандидаттнень—коммунистнень инкса.

Сембесоюзонь коммунистическый (большевиконь) партиять Центральной Комитетонц терьнесыне сембе беспартийнай избирательхнень голосовандамс кандидаттнень—коммунистнень инкса тяфтама жа мяльса, кодама мяльса сия кармайхть голосовать беспартийнай кандидаттнень инкса.

Сембесоюзонь коммунистическый (большевиконь) партиять Центральной Комитетонц терьнесыне сембе избирательхнень самс, кода фкя, сембенди 1937-це кизоня декабрьть 12-це шистонза избирательнай урнатненьди Союзонь Совету и Национальностень Совету депутатонди кочкама.

Не должен улемс фкявок избиратель, конац аф использованда-сы Советский государствать Верховнай органонзонза депутатонь кочкама эсь почетнай праванц.

Не должен улемс фкявок активнай гражданин, конац ба афольхце лув эстиенза гражданский долгос сембе избирательхнень Верховнай Совету кочкаматнень эса участияснонды содействовать.

1937-це кизонь декабрьть 12-це шистонза должен арамс СССР-нь сембенародонь трудящайхнень Ленинонь—Сталинонь победившай знамять перф марс пуромомань праздничкокс.

Сембе кочкама!

Шумбра улеза и кемокставоза минь могучай родинаньке—Советский Социалистическый Республикань Союзсь!

Шумбра улеза минь Советский Социалистическый Конституцияньке!

Шумбра улеза рабочайхнень и крестьянтнень Союзна!

Шумбра улеза Советский государствать Верховнай органонзонза предстоящай кочкаматнень эса коммунистнень беспартийнайхнень мархта Союзсна!

Шумбра улеза советский власть!

Шумбра улеза сембесоюзонь коммунистическый (большевиконь) партиясь!

Сембесоюзонь коммунистическый (большевиконь) партиять Центральной комитетонц. Декабрьть 6-це шистонза 1937 к.

Выборхненди анокламась

Сембе Советский народсь аноклай предстоящай выборонь шити—декабрьть 12-це шинцы. Ежовка велень совеса „Валда Ян“ колхозса цебярьста йотафневи Сталинский Конституциять и СССР-нь Верховнай Совету выборхнень колга Положениять тонафнемац. Эршина колхознай клубу пуромкшнихть лама колхозникт.

Клубонь заведующайсь Сайгинш теест лувонды статья газетатнень эзда, азонткшнесы избирательнай системать техниканц. Сембе колхозникне обеспечендафт выборхнень колга литератураса.

С. С.

Кавылкинаны р-н.

Фатямс агитацияса сембе

избирательхнень

Моску ошень Сталинский избирательнай округонь избирательхне Сталин ялгати сьормаснон эса корхтайхть:

„1937 кизоня декабрь ковь 12-це шистонза сембе минь странаньке, кода фкя ломань, нолдамок эсь избирательнай бюллетенснон, марса минь мархтонок кармай демонстрировать эсь любофонц и преданностенц Ленинонь—Сталинонь партиянцы, гениальной творецти, Социалистическый победань организаторти - Иосиф Виссарионович Сталинтти“.

Иляткшни аф лама пингя выборонь шити самс. Нят шитне должетт улемс посвященнайхть широкай разяснительнай работати избирательхнень йоткса. Советский и партийнай организациятне, довереннай лицатне, агитаторхне пропагандистне и сембе Советский общественностесь призванайхть сянди, штоба по-большевистски йотафтомс предстоящай выборхнень.

Но эряви азомс, што лама вастова агитационно-пропагандистский работась развертывается крайне валом.

ВЛКСМ-нь кой-кона райкомтне, конатнень ланкс прашенды оцо задача, штоба анокламс молодежь выборхненьди, аф кирдихть сатомшка соткс од ломаттнень мархта.

ВЛКСМ-нь Темниковский райкомсь выдвинул участковой избирательнай комиссияв секретарькс 17 кизоса комсомолец, конанц нингя аш праванза кочкамс и улемс кочкафокс.

Зубово-Поляннай районца участковой избирательнай комиссиянень эзда отвели 24 член, конат оказались политически аф надежнай ломанькс.

Велеса агитациять эряви кепедемс должнай высотас. ВКП(б)-нь и ВЛКСМ-нь райкомтне должетт выделить сельский избирательнай участкатненьди эсь лучшей силаснон, снабдить кажнай избирательнай пунктть литератураса, плакатса, использовандамс радиоть и газетатнень.

Отличникне казьфть питни вещаса

Кулдымонь НСШ-са Кулакаев В., Королев П., Трякин Г., Ремзова Е., Ванин Н. ученикне отличнайста тонафнемать инкса казьфть питни вещаса.

Советский Союзса идьтнень цебярь тонафнемаснон инкса поощряют. Тя поощрениясь идьтнень призывает тонафнемс нингя сядя цебярьста.

Царский Россиять пингста идьтнень, попсь и учительсь кадондозь без обеда, пиксезь и стактов.

Аньцек советский властьсь, большевикский партиясь и минь кельгома учительньке Сталин ялгась максь советский идьтненьди счастливай и радостнай детства.

Д. Картаев.

МОКШОНЬ ЛИТЕРАТУРНАЙ КЯЛЬТЬ (ОРФОГРАФИЯТЬ, ТЕРМИНОЛОГИЯТЬ И ГРАММАТИЧЕСКАЯ СИСТЕМА) СТРОИТЕЛЬСТВАНЬ ПРАКТИКАНЦ КОЛГА

МАССР-нь ЦИК-ть ПРЕЗИДИУМОНЦ ПУТФКСОЦ НОЯБРЬТЬ 20-це ШИНЯ 1937-це КИЗОНЯ

МАССР-нь ЦИК-сь лувондсы, што мокшонь литературнай кяльть строительствань практикасонза ульсь вредительства, кода терминологиять коряс, станя и орфографиять коряс, кона ащесь сянь эса, што:

а) примафтольхть йофси аф шарьхкодеви, националистический термитт (предложениясь—вал веле, сложный предложениясь—яво-ви вал веле, предложениянь главной членць—вал велень пряфкс пялькс и ст. тов);

б) 1935-це и 1936-це кизоня МАССР-нь Наркомпроссь примсесь орфографический лама правилат, конат можнат толкавмс аф фкя лаца и практикаса вятихть неизбежной эльбятксненди (лама лувксса аф кайги аф морави вайгельксненди и валхненди основаса аф кайги „Л“-ть и „Р“-ть сьормадомаса, парнай аф морави вайгельксненди ляпе шиснон сьормаса няфтемасна и ст. тов).

МАССР-нь ЦИК-сь путнесы:

I. Грамматический терминологиять, конань кемокстазе МАССР-нь Наркомпроссь и печатлазе 1935-це кизоня „В помощь школе“ журналть 1-це №-са, отменить. Станя жа отменить мокшонь кялень строительствань колга ЦИК-нь Президиумть решениянц ноябрьть 15-це шинц эзда.

Кемокстамс МАССР-нь НКП-ть ширьде представленной мокшонь кялень од грамматический терминологиять (ваность приложени-я).

II. Орфографиять колга путневи: а) аф кайги Р-ть, Л-ть и И-ть (йотть) сембе случайста тяшнемс РХ, ЛХ, ЙХ буква, например: Плхтамс, плхнемс и ст. тов, а аф кайги ляпе РЬ, ЛЬ вайгяльксненди колма буква—РЬХ, ЛЬХ, например: вельхтамс, вельхнемс, карьхке и ст. тов;

б) кайги аф морави вайгяльксне—Б, В, Г, Д, Ж, З-сь аф определенной и определенной склонениянь лама лувксост йотайхть соответствующой аф кайги вайгяльксне, а „М“-сь и „Н“-сь ответственна „П“ и „Т“ вайгяльксне, например: клуб—клубт—клубне, слав—славт—славне, панга—панкт—панкне, куд—кутт—кутне, этаж—эташт—эташне, куз—куст—кусне, утом—утопт—утопне, ломань—ломатть—ломаттне;

в) аф морави вайгяльксненди ляпе шисна валть песа кода фкя, станя и лама лувксса няфневи ляпе тяхксонь путнемат вельде сембе случайста, например: ломань—ломатть, марь—марьхть, седи—седихть, якстерь—якстерьхть;

г) аф тяшнемс ляпе тяхкс „Н“-ть и „Д“-ть йоткс синь ляпе шиснон няфтеманкс лем валхненди дательнай падежост и глаголхненди эса (куд—кудонди, молендемс, молендяря, молендяряленди), а станя жа кафтонзаф аф моравихненди йоткс (ломатть, лиссь, аннемс);

д) редуцированной вайгяльксне аф парнай аф морави вайгяльксне меле (б, п, в, ф, г, к, м, ж, ш), валхненди потмоса тяшнев О буква, например: сембонь, кеподемс, тевоц, кельгомс, мокшот, тяфта сьормадомат эземс: сембень, кепедемс, тевец, кельгемс, мокшет;

е) аф полной образованиянь „А“ вайгяльксне валть песа ши-

пшайда мельга тяшневи „А“ буква, например: мокша, ужа, равжа, акша, тяфта сьормадомат эземс: мокше, уже, равже, акше.

Примечания: мекольце „М“-сь и „Н“-сь аф йотнихть соответственна „П“-кс и „Т“-кс валхненди эса, конат шумордавхть ЕМ и ПАН вал песа и кирьфтаф сложнай валхненди эса, конат шумордавхть КОМ вал песа, например: об'ем—об'емт, прием—приемт, ревком—ревкомт, тюльпан—тюльпант.

III. Марьгомс Мордовиять территорияса сембе школатненди (начальнойненди, неполной средней и средней школатненди), а станя жа ВУЗ-ди и политико-просветительнай учреждениянненди, сембе учреждениянненди и организациянненди, а станя жа издательстванненди и редакциянненди, конат обслуживандасазь Мордовский населениять (Мордгизсь, Учпедгизть мокшонь редакция, „Мокшонь правда“, „Комсомолонь вайгяль“ газетатне, „Колхозонь эряф“ журналсь и ст. тов) эсь работасост кемоста йотафнемс эряфс-тя путфксть.

IV. Марьгомс МАССР-нь Наркомпроси да кялень, литературань и историянь Мордовский Научно-исследовательский институтти (МНИИЯЛИ-ти) мокшонь кяльть колга правописаниянь правилатненди срочна печатламс башка брошюраса.

V. Спорнай кизефксненди проработкасон и мордовский кялень строительствань опытонц обобщениянц инкса ЦИК-сь лувондсы эрявиксонди 15/III-38-це кизоня пуроптомс языковой конференция тяфтама шинь повестка мархта:

1. Мордовский (мокшонь и эрзянь) кяльхненди строительствань фронтса вредительствань последствиянзон машфтомасна.

2. Мокшонь кяльть морфологияц (корхтамань пяльксне, валонь полафнемась и валонь тиемась).

3. Эрзянь кяльть морфологияц (корхтамань пяльксне, валонь полафнемась и валонь тиемась).

4. Мокшонь орфографиясь.

5. Эрзянь орфографиясь.

6. Грамматический терминологиясь.

Языковой конференцияти анокламат и сонь йотафтоманц путомс МНИИЯЛИ-ть и Наркомпроссь ланкс.

Марьгомс МНИИЯЛИ-ти Наркомпроссь марха марса 1937-це кизоня декабрьть 10-це шидонза аф сядя позна максомс ЦИК-ть президиумонцы кемокстамс конференциять шинь повесткаса эрь кизефксть колга докладчиконь список.

Марьгомс МНИИЯЛИ-ти докладтненди разработкасон инкса привлечь СССР-нь Наукань Академиять Кялень и Мышлениянь Институтонц и Москуть научнай учреждениянзон.

Конференцияти анокламань фкя инь важнай моментокс лувомс конференциять повестканц башка кизефксонзон общественностьть, учительствань, издательствань и печатень работникненди мархта обсуждениясон.

Аф Мордовиять территорияса эряй мокшотненди и эрзятненди представительсонс языковой строительствань кизефксненди обсуждениясонды и решениясонды привле-

чениясон инкса конференциять делегатонзон общей количествасон ладямс 120 ломаньцта.

Марьгомс МНИИЯЛИ-ти предусмотреть 1938-це кизонь бюджетсонза карьхненди языковой конференциять йотафтоманцы.

Разрешить МНИИЯЛИ-ти тиендемс 1937-це кизонь бюджетть эзда карьхить, конат связаннайхть языковой конференцияти анокламат мархта.

Мордовский АССР-нь Центральной Исполнительный Комитетть председателец М. ЧЕМБУЛАТОВ.

Мордовский АССР-нь Центральной Исполнительный Комитетть секретарень обязанностензон исполняющайсна Н. ЮРКОВ.

МОКШОНЬ КЯЛЕНЬ ГРАММАТИЧЕСКАЯ ТЕРМИТТНЕ РУССКАЯ ТЕРМИТТНЕ

Предложение
Подлежащее
Сказуемое
Гл. члены предложения
Однородные члены предложения
Вопросительное предложение
Восклицательное предложение
Чужая речь и прямая речь
Косвенная речь
Пояснительное предложение
Главное предложение
Простое предложение
Сложное предложение
Полное предложение
Неполное предложение
Безличное предложение
Личное предложение

Назывное предложение
Нераспространенное предложение
Распространенное предложение
Повествовательное предложение
Обращение
Вводное предложение
Вводное слово
Введение
Речь
Часть речи
Имя (в грамматическом смысле)
Существительное
Падеж
Склонение
Определенное склонение
Неопределенные склонение
Притяжательный суффикс

Притяжательное склонение
Прилагательное
Числительное
Единственное число
Множественное число
Количественное числительное
Порядковое имя числительное
Местоимение
Лицо
Личное местоимение
Глагол
Инфинитив (неопределен. форма)
Изъявительное наклонение
Условное наклонение
Сослагательное наклонение
Условно-сослагательное наклонение

Повелительное наклонение
Спряжение
Первое спряжение
Второе спряжение
Объектное спряжение
Необъектное спряжение
Прошедшее время
Настоящее время
Будущее время
Отрицание

Конференциять шинь повесткаса путф кизефксненди обсуждениясонды трудясаень кели мас-сатненди и научнай работникненди привлечениясон инкса марьгомс „Эрзянь коммуна“ и „Мокшонь правда“ республиканский газетатненди эсь страницасост организовандамс языковой строительствань кизефксненди обсуждениясон.

Предложения
Подлежащей
Сказуемой
Предложениянь главной члеть
Предложениянь однородной члеть
Кизефтемань предложения
Серьгядемань предложения
Лиянь корхтама
Косвенной корхтама
Пояснительнай предложения
Главной предложения
Простой предложения
Сложной предложения
Полной предложения
Аф полной предложения
Подлежащей тема предложения
Подлежащей мархта предложения
Назывной предложения
Аф распространенной предложения
Распространенной предложения
Азондомань предложения

Пшкядема
Вводной предложения
Вводной вал
Введения
Корхтама
Корхтама пялькс
Лем вал
Существительнай
Падеж
Склонения
Определенной склонения
Аф определенной склонения
Притяжательнай суффикс мархта лем вал
Притяжательнай склонения
Прилагательнай
Лувкс лем
Фкя лувкс
Лама лувкс
Количественной лувкс лем
Порядковой лувкс лем
Лем вастс вал
Лица
Лицань лем вастс вал
Глагол
Инфинитив
Изъявительнай наклонения
Условнай наклонения
Сослагательнай наклонения
Условно-сослагательнай наклонения
Кошардомань наклонения
Спряжения
Васеньне спряжения
Омбоце спряжения
Объектнай спряжения
Объектфтома спряжения
Этай пинге
Тяниень пинге
Сай пинге
Отрицания

МОКШОНЬ КЯЛЕНЬ ГРАММАТИЧЕСКАЯ ТЕРМИТНЕ

(П е ц)

РУССКАЯ ТЕРМИТНЕ

МОКШОНЬ ОД
ТЕРМИТНЕ

Наречие
Послелог
Союз
Междометие
Пояснительное слово
Часть слова
Изменяемое слово
Неизменяемое слово
Словоизменение
Сложное слово
Простое слово
Корень слова, корень
Основа
Суффикс
Окончание
Слог
Фонетика
Фонема
Голосовая связка
Звук
Гласный звук
Согласный звук
Звонкий звук
Глухой звук
Парные звуки
Непарные звуки
Мягкий звук
Твердый звук
Длительный звук
Взрывной звук
Носовой звук
Буква
Заглавная буква
Знак
Мягкий знак
Твердый знак
Отделительный знак
Знаки препинания
Точка
Запятая
Точка с запятой
Двоеточие
Многоточие
Вопросительный знак
Восклицательный знак
Грамматика
Морфология
Синтаксис
Орфография
Пунктуация
Ударение
Мысль
Предмет
Действие
Качество
Алфавит
Удвоенный
Член предложения
Согласование
Управление
Союзные слова
Временное предложение
Условное предложение
Сравнительное предложение
Определительное предложение
Ковычки
Сложно-сочиненное предложение
Сложно-подчиненное предложение
Дополнение
Связка
Обстоятельственные слова
Определение

Наречия
Вал мельгакс
Союз
Междометия
Пояснительный вал
Вал пъялкс
Полафневи вал
Аф полафневи вал
Валонь полафнема
Сложный вал
Простой вал
Вал юр, юр
Основа
Суффикс
Вал пе
Слог
Фонетика
Фонема
Вайгяль сан
Вайгялькс
Морави вайгялькс
Аф морави вайгялькс
Кайги вайгялькс
Аф кайги вайгялькс
Парный вайгялькс
Аф парный вайгялькс
Ляпе вайгялькс
Калгода вайгялькс
Таргави вайгялькс
Сязеви вайгялькс
Шалхка вайгялькс
Буква
Оцю буква
Тяшкс
Ляпе тяшкс
Калгода тяшкс
Явфты тяшкс
Лоткама тяшкст
Точка
Запятой
Точка запятой мархта
Кафта точкат
Лама точкат
Кизефтемань тяшкс
Сергядемань тяшкс
Грамматика
Морфология
Синтаксис
Орфография
Пунктуация
Ударения
Арьсема
Предмет
Действия
Качества
Алфавит
Кафтонзаф
Предложениянь член
Согласования
Управления
Союзный валхт
Пингонь няфти предложения
Условный предложения
Сравнительный предложения
Определительный предложения
Кавычка
Сложно-сочиненный предложение
Сложно-подчиненный предложение
Дополнения
Связка
Обстоятельственный валхт
Определения

Пощадафтома тюремс колхозной собственностень
расхитительхнен каршес

СССР-нь сембе трудяйхненди партиясь, правительствась и кельгома вожденьке Сталин ялгась макссь счастливый и радостный эряф. Эрь шиня, эрь частоня эрямась арьс нингя сядонга цебарьста. Минь тюрьхтяма и карматама тюрема народонь вранень троцкистско-бухаринский последышнен каршес, конат йоразь мимс минь родинахнен фашисттненди. Педальес машфтсакь троцкистско-бухаринский шпиоттнен и вредительхнен, иностранной фашист-

кий разведкань наймиттнен. Сире-Теризморга велень Буденный ялгать лемса колхозса бригадирь-комсомолец Макаров ялгась зоркайста ваны колхозной социалистической собственность эса. Ноябрьрь 3-це шистонза И. Каргинь и "Путь Ильича" колхозста сонь радняц Ямашкин саласть колхозста 15 пудт пинем, но нят ворхнен нязень комсомолец Макаров ялгась и кундазень синь.

В-в.

Шайговань район.

Торбееваса выборхненди аноклайхть калдявста

Сембе советский трудяйхне лувондсазь декабрь 12-це шинц оцю праздничек. Тя шиня сембе народсь максазь эсь голоссон минь родинахнен проверенной и преданной ломанензон инкса, конат трудса творят чудеса, конат аф ужяльцазь эсь эряфсонга счастливой родинахнен инкса.

Торбеевань районца, партийной, комсомольской и общественной организации илякшнихть тяфтама благодушныйк и беспечныйк, што тячимс ашезь ладя кода эряви предвыборной работать.

Вельсоветонь председателсь Семеновсь, сон жа 2-й избирательной участкань ингольдень председателсь, предвыборной работати отнесь преступно калдявста. Малограмотной технической работниксон кядьста сьорматфтозень избирательной спискатнен и атак проверак повфнезень ветринав общай обозренияс. Конечно, тяфтама спискатне аф лама шиде меле савсть валхтомс меки, ся, мес синь пашкет искаженияда. Тянди результаток арась ся, што участковой избирательной комиссиатнен кядьса ашельхть избирательной спискатне, конанц сюнеда синь аф содасазь мзяра ломань кармай избирать синь участкасост.

Тяда башка васеньце избирательной участкати аш определенной вастоц. Участковой избирательной комиссиати председателец Красниковсь аныцек тани арьси организовандам сонь средняя школа.

Кафта избирательной участкати нолдафоль 800 цалковайхт ярмак. Нят ярмакнен вельсоветонь председателсь Семеновсь израсходовандазень керосинонди, ветринанди, а избирательной участкати кадозь атак оборудовандак.

Тя инь важнай тевть лангс пяхалатнайста ваны райисполкомонь председателсь Шумкинсь.

Нингя сяди калдявста ладяф агитациясь и пропагандась выдвинутый кандидаттнен инкса. Васеньце участкань избирательной комиссиань председателсь, сон жа школань директорсь кемоктазень уликс 6 училилензон, конат тячимс мезевок ашесть тий. Комсомолонь райкомть секретарец Мишинсь, содамок агитационно-пропагандистский работать калдявста молеманц не позаботился прикрепиндамс пропагандистокс проверенной комсомолецт, конат ба счестью пашкоделезь возложенной почетной задачь.

Омбоце участка ноябрь 25-це шинцы самс председателсь работась Семеновсь, конац абсолютно мезевок ашесть тий. Серьезной политической работати халатной отношениянц сюнеда сонь валхтозь работаста и востонза назначили председателсь Медведев ялгать.

Аныцек ноябрь 28-це шистонза участкати разбитый 15-ти дворкава и кемекстафт пропагандистт. Но работась нингя атак ушентт.

Тяфтама подготовка Верховной Совету выборхне цебарьста аф йотафтовихть. Васендакигя ВКП(б)-нь Торбеевань райкомти и райисполкомти эряви наладить работась избирательной участкати эса, прикрепить участкати проверенной пропагандистт и агитаторхт и вишкоптемс агитационно-пропагандистский работать, штоба аф максомс возможность народонь враненди эсь подлай тевсон тиендемс.

Аныцек большевистский агитациять и пропагандати вельде минь можем кочкамс Верховной Совету депутаток Ленинонь-Сталинонь партиянц воспитанниконзон, Тишкин.

Тейнек сьормадыхть

Пяева велеса (Кадошкинань район) колхозной клубса выборхненди анокламати кодамовок работа аф йотафневи. Клубу получакшневихть газетат, журналхт, но синь читательхнен кядь аф повондыхть. Клубонь заведующайс Келинась аныцек получасыне газетатнен эстакигя стасыня подшивкас и кяшыне шкафу. Челмакин.

Саранск ош. Мордовский областной пропагандистский курса тонафни 37 курсатт. Сембе тонафнихне включились Социалистической соревнованияс. Савсть ланго-

зост обязательств тонафнемс аныцек отличнайста. Тяниень пингть курснен эса 21 курсатт тонафнихть аныцек на отлично. Курсатне оцю радость мархта аноклайхть Верховной Совету выборхненди. Цебарьста тонафнесазь СССР-нь Верховной Совету выборхнен колга Положениять и Сталинский Конституциять. П.

Шайгова. Сире-Теризморгань афполнай средняя школаса аф тонафнесазь Сталинский Конституциять. Тяда башка, школаса аф тонафневи СССР-нь народтнен историясноток. Егофин.

ПРИМОСЕВИ ПОДПИСКА

ШИ ВЕЛЬФ ЛИСЕНДИ

„КОМСОМОЛОНЬ ВАЙГЯЛЬ“

РЕСПУБЛИКАНСКИЙ КОМСОМОЛЬСКИЙ ГАЗЕТАТЬ ЛАНКС

ГАЗЕТАТЬ ПИТНЕЦ

1 ковс—60 трюшнект, 3 ковс—1 ц. 80 трюшнект.
6 ковс—3 ц. 60 трюшнект, 1 кизос—7 ц. 20 трюшнект.

Подписать примосезазь сембе почтовой
отделениянц и сьормань каннихне.

1—8

Ответ. редакторть инкса П. ГОРЬКАНОВ.

Упол. Главлито № Д—134. Заказ № 4145. Тираж 2983.

г. Саранск, тип. „Красный Октябрь“.